

醫通卷十二

張氏醫通卷十二

長洲石頑張

璐路王父纂述

男

以柔安世

訥遜言

泰訂

嬰兒門下

夫人習尙不同。趨舍各異。痘疹一門。向得涸高兄
採輯諸家方論。備列醫通。其間方藥多有以意。蔡
易者。惜乎筆削未竣。完壁難求。志見心折。其學因
命續貂。系以癰疹諸例。庶不失先哲二者並名之
義云

錢氏痘疹論

小兒在胎時食母五藏血穢。生後其毒當出。故痘疹所發。皆五藏之液。肝水泡。其色青小。肺膿泡。色白而大。心爲斑。其色赤小。脾爲疹。其色赤黃。瘡疹欲出。五藏證具。惟腎無候。但耳涼尻冷是也。瘡疹出時。辨視輕重。一發便出盡者。必重也。瘡夾疹者。半輕半重也。出稀者。輕。裏外微紅者。輕。外黑裏赤者。微重也。外白裏黑者。太重也。瘡端裏黑點如鍼孔者。勢甚也。青乾紫陷。昏睡。汗出不止。煩躁。熱渴。腹脹。喘喘。大小便不通者。困極也。是瘡疹當令乳母慎口。不可令饑。及受風冷。致歸腎變黑。難治也。有大熱。當利小便。有小熱。宜解毒。若黑紫乾陷者。百祥丸下之。不黑者。慎勿下。

更看時月輕重大抵痘疹屬陽出則春夏爲順秋冬
爲逆又當辨春膿泡夏黑陷秋斑冬疹亦不順也黑
者無問何時十難救一其候寒戰噤牙或身黃腫紫
急宜百祥丸下之復惡寒不已身冷汗出耳尻反熱
者死腎氣大旺脾虛不能制故也下後身熱氣溫欲
飲水者可治脾旺勝腎寒去而溫熱也治之宜解毒
不可妄下下則內虛多歸於腎若能食而痲頭焦起
或未焦而喘實者四順清涼飲下之若身熱煩渴腹
滿而喘大小便澇面赤悶亂大吐此當利水便不痊
者宣風散下之若五六日痲不焦是內發熱熱溼蒸
於皮中故痲不得焦宜宣風散導之用生犀磨汁解

之便熱退痲脫矣。瘡疹欲出先欠呵頓悶肝也。時發驚悸心也。乍涼乍熱手足冷多唾脾也。面腮頰赤欬嗽噴嚏肺也。此四藏證俱見惟黑者屬腎也。瘡疹乃五藏之毒內一藏受穢多者出則歸其藏矣。

丹溪叅補陳氏痘疹論

小兒瘡疹大抵與傷寒相似發熱煩躁臉赤唇紅身痛頭疼乍寒乍熱口噎呵欠嗽喘痰涎始發之時有因傷風傷寒而得有因時氣傳染而得有因傷食嘔吐而得有因跌撲驚恐瘀血而得或爲竄眼驚搖如風狀或日舌咽喉肚腹疼痛或煩躁狂悶昏睡自汗或下利或潮熱證候多端卒未易辨須以耳冷尻冷

足冷驗之。蓋瘡疹屬陽腎藏無證耳。與尻足俱屬腎。故獨冷又不若視其耳後有紅脈赤縷爲真候。調護之法。首尾俱不可汗。但溫涼之劑兼而濟之。解毒和坤安表而已。虛者益之。實者損之。冷者溫之。熱者平之。是爲權度。如病人籠蒸之法。但欲其鬆耳。蓋毒發於表。如苟妄汗。則營衛一虛。開泄瘡爛。由是風邪乘間變證者有之。毒機於裏。如苟妄下。則內氣益虛。毒不能出而返入焉。由是土不勝水。變黑歸腎。身作振寒。耳尻反熱。腹脹黑陷。十無一生。汗下二說。古人深戒。以此視之。瘡疹證狀。雖與傷寒相似。而治法實不同。傷寒從表入裏。瘡疹從裏出表。故也。如欲解肌。

葛根紫蘇可也。其或氣實煩躁熱熾便秘則犀角地黃湯或紫草飲多服亦能利之。故雖云大便不通少與大黃尤宜斟酌。若小便赤少者分利小便則熱氣有所滲出。凡熱不可驟過。但宜輕解。若無熱又不能起發也。瘡疹分人清濁。就形氣上取勇怯。凡已發未發但覺身熱證似傷寒疑似未明先與惺惺散。參蘇飲熱甚則升麻湯。人參敗毒散。張涵高曰上方俱難應用當以輕劑透表一見紅點便忌葛根。恐發則表虛也。凡痘疹初欲出時身熱鼻尖冷呵欠欬嗽而赤便宜升麻湯。如山查大力子則瘡稀疎易愈。凡痘疹發熱時法以惡實子爲末蜜調貼額門免南患服之疾凡初出之際

須看胸前。初出之時色白者便太補氣血。參耆朮草
諒加人參。初出之時色白者便太補氣血。參耆朮草
桂芍芎歸。若大便瀉加木香肉豆蔻。初起時自汗不
妨。蓋溼熱熏蒸而然。有初起煩躁譫語狂渴引飲。若
飲水則後來慄不齊急。以涼藥解其標。加益元散之
類。凡瘡已出可頻與化毒湯。當去升麻出不快者加味四
聖散。或紫草飲。紫草木通湯。及快斑湯出太甚者。人
參敗毒散。色赤犀角地黃湯。疎則無毒密則毒盛。宜
冬服涼藥解之。庶無害眼之患。爐灰色白靜者作寒
看。齊渴者燥者。燉發者作熱治。黑屬血熱。涼血爲
主。白屬氣虛。補氣爲先。中黑陷而外白起得遲者則

相兼而治。凡痘瘡分表裏虛實。吐瀉少食爲裏虛。不
吐瀉能食爲裏實。裏實而補則結癰。毒陷伏倒。靨灰
白者爲表虛。紅活綻起爲表實。表實而復補表則潰
爛不結。痂痘瘡分氣血虛實。虛則黃蒼。養營活血之
劑佐以風藥。實則芍藥黃芩爲君。佐以白芷連翹之
類。調解之法。活血調氣。安表和中。輕清消毒。兼而治
之。溫如當歸黃耆。涼如前胡葛根。佐以川芎白芍枳
殼桔梗羌活木通紫草之屬。則可以調適矣。黑陷二
種。因氣虛而毒不能盡出者。酒炒黃耆紫草人參輩。
黑陷甚者。用燒人矢密水調服。瘡塌者。於形色脈上
分虛實。實則脈有力。氣壯紅紫。虛則脈無力。色淡平。

塌虛癢以參耆實表之劑加涼血藥實癢如大梗不通少與大黃寒涼之藥下其結糞氣怯輕者用淡蜜水調滑石末以羽潤瘡上瘡乾宜退火抵用輕劑荆芥防風牛旁之類上引用升麻葛根下引用檳榔牛膝佐以貝母忍冬白芷枯婁之類若咽喉痛者鼠粘子湯如聖飲選用喘滿氣壅者麻黃湯加黃芩白芍石膏煩渴瀉利者烏梅與棗豆黑豆作湯時溫服之瀉利嘔逆者理中湯加木香將欲成就却色淡者宜助血氣芍歸芍藥紅花之類將欲成就却色紫者宜涼血解毒生地芩連連翹之類甚者犀角大解毒淡白色將靨時如豆殼者蓋因初起時飲水多其靨

不齊俗呼爲倒靨。但服實表之劑。消息二便。如大便秘。通大便秘。小便秘。通小便。小便赤澀。大連翹湯。甘露飲。大便秘結。內煩外熱者。小柴胡加枳殼最當。或少與四順清涼飲。瘡疹用藥。固有權度。大小二便不可不通。其大便自下黃黑。則毒已成。不必多與湯劑。但稍與化毒湯。不用亦可。二便一或閉焉。則腸胃壅遏。脈絡凝滯。毒無從泄。眼閉聲啞。不旋踵而告變矣。陷入者。加味四聖散。更以胡荽酒薄敷其身。厚敷其足。噴其衣被。併厚蓋之。若猶未也。獨聖散。八木香煎湯。若其瘡已黑。乃可用錢氏宣風散。加青皮。錢氏云。黑陷青紫者。百祥丸下之。不黑者。慎勿下。知其所下者。

瀉膀胱之邪也。又云下後身熱氣溫欲飲水者可治寒戰者爲逆。知其脾強土可以制水也。百祥丸太峻宜以宜風散代之。瀉後溫脾當用人參茯苓白朮等分。厚朴木香減半爲妙。蓋瘡發肌肉陽明爲主脾土一溫胃氣隨暢何憚不消弭已泄之腎水平。此錢氏不刊之秘旨也。其壞瘡者。一曰內虛泄瀉。二曰外傷風冷。三曰變黑歸腎。近時痘疹多宗陳文中木香散異功散殊不知彼時立方之時爲嚴冬大寒鬱遏痘瘡不得紅綻故用辛熱之劑發之。今人不分時令寒熱一槩施治誤人多矣。天渴者用溫藥癢塌者用補藥。自陳氏發之迥出前輩然其立方多用燥熱

或未適中。恐其立方之際。必有挾寒而虛者設也。痘疹多是毒氣盛。便先宜解毒。然恐氣血周貫不定。故隨後亦宜兼補。以助成膿血也。

薛立齋痘疹大要

痘疹大要與癰疽治法無異。宜辨表裏虛實寒熱。蓋表虛而用發表之劑。輕則斑爛。重則不能起發而死。裏實而用托裏之劑。輕則患痘毒。重則喘急腹脹而死。裏虛而用疎導之劑。輕則難以貫膿結痂。重則不能結。膿落而死。治法可不慎哉。若胃赤發熱疼痛作渴。能食便秘。此形氣病氣俱實也。雖在嚴冬。必用四順清涼飲以救其陰。若黑陷不食。嘔吐泄瀉寒戰。

咬牙手足逆冷此脾土虛敗寒水所侮也雖在盛暑
必用六君薑附或陳氏異功散以回其陽此內經舍
時從證之法也若起發遲不紅活不作膿不結痂或
發熱作渴飲食少思此脾胃虛弱也參耆四聖散補
之若雖起而色白雖灌膿而不滿雖結痂而不落或
癢塌作渴飲湯腹痛不食嘔吐泄瀉此脾胃虛寒也
陳氏木香散以溫之其在四五日之間死者毒氣盛
真氣虛而不能起發也六七日之間死者元氣虛而
不能灌膿也旬日之外死者邪氣去脾胃敗而元氣
內脫也治者但能決其死而不知其死必本於血氣
虧損苟能逆推其因而預爲調補豈斷無生理哉蓋

起發灌膿結痂三者皆由脾胃榮養不可妄投剋伐之劑以致其天枉也。至於大人患此治法迥異昔丹溪嘗治一老人初患痘昏慣不知極用大補四十餘劑出痘而愈觀此可見。

魏桂岩逆順險三法論

夫痘分逆順險法古無有也。愚妄立之。何則。順者吉之象逆者凶之象。險者晦吝之象。治痘而執此三法以觀形色驗吉凶將無施而不當也。蓋痘發熱三日放標三日起長三日灌漿三日收靨三日始於見形終於結痂。凡十四五日之間而已。是故吉不必治。治則反凶。凶不可治。治之無益。至如險者治之則可以。

轉危就安。夫氣血盛斯毒已解。氣血損則毒愈。氣血弱者。雖毒不能頓解。故必加補益扶持。使生意固乎其中。無不平矣。余嘗苦心究討。定立法式。觀者幸毋以余爲僭。

一二曰。初出如粟。血點淡紅潤色。於口鼻年壽之間。先發兩三點。順之兆也。○形如蠶種。紫黑乾枯於天庭司空印堂方廣太陽等處。先見者逆之兆也。雖稠紅潤澤成箇者。亦險也。○圓暈成形。乾紅少潤。險之兆也。險者毒雖犯上。其氣未離。俟其氣血交會。保元湯加桂。

二三曰。根窠圓混。氣滿血附。長發飽滿。光潔爲順。○

根窠無量氣失血散枯死不長爲逆○根窠雖圓而頂不滿爲險保元湯加芎桂

四五月大圓光澤大小不一氣和血就爲順○綿密如蠶種黑陷乾紅紫泡者爲逆○根窠雖起色不光潔爲險保元湯加桂糯米

五六月氣會血附紅活鮮明爲順○氣雖旺而血不歸附灰暗紫黑或發水泡癢塌爲逆○氣弱血微光白不榮爲險保元湯加木香芎歸

六七日氣行血行光澤飽滿爲順○漿毒不行神去色枯爲逆○氣血不足不能成漿爲險急以保元湯加桂米